

\*\*\*\*\*

RAGAD ADVERTENTIE:

Kabar premii: 1 — 30 temboeng f 1. —  
Langkoengipoen, saben 10 temboeng oetawi  
kirang: f 0,50.

Advertentie limrah: f 0,15 sagaris:  
(apes: f 1,25).

Moendoet kapatjak langkoeng saking sa-  
pisan, oetawi moendoet dados lengganan,  
tebang rembag roemijin kalijan admini-  
stratie.

Hoofdredacteur:

B. SOEMARNA

kabantoe

REDACTIE - COMMISSIE.

\*\*\*\*\*

SWARA-TAMA

SERAT KABAR KATHOLIEK

Medal saben dinten Djoemoewah.

\*\*\*\*\*

REGINIPOEN LENGGANAN

SWARA TAMA

sampoen kalijan regining Soeara Katholiek

1 taoen . . . . . f 7,50 } njoewoen kabajar  
1/2 . . . . . f 3,75 } roemijin.

Adresipoen Redactie lan Administratie

IGNATIUS-COLLEGE

DJOKJAKARTA.

\*\*\*\*\*

Drukkerij „Cantius” Djokja.

ISINIPOEN.

Lampah koela dateng Ngeroem — Goentoer-Geni — Gesang rerajatan lan jagad Social — Saja ngangseg — Kabar mengeng — Pakempalan derma — Bahagia koela gatosaken — Nerang — Toemoet oeroen-oeroen sakedik — Ontjen sekar gambir melati — Oerap-sari — Correspondentie.

LAMPAH KOELA DATENG NGEROEM.

Rome (30) 29 Nov. 1929.  
Via S. Nicola da Tolentino.

Sambetipoen Sw. Tm. no. 2.

Setoe ending djam sedasa koela nderek sowan dateng kraton Vatican ingkang sapisanan. Amrih sampoen kapentjil pijambak, koela anggam-blok para Rama-sawatavis bangsa Fransch, Messopotami, Arab lan Tjina, ingkang sami ngandikan Fransch, dados inggih kapeksa nan-doeik ginem tjara prans.

Sadoemoegining ngaloe - aloen ngadjengaken Grédja St. Petros, mengiwa nrasas emper tratag ingkang meh ngoebengi aloen - aloen, andjog ing plataranigoen St. Domi-anus. Plataran poenika dipoenkoebengi gedong warni-warni, oepami-nipoen kantor pos lan kantor kawat ing pradja Vatican. Saking plataran mlebet regel sekèteng ingkang ka-djagi pradjoerit bangsa Soewitser. Salah satoenggal kapatah nedahaken margi. Sasampoenipoen minggah oendak-oendakan wongsal-wangsoel noeroet margi wijar kaapit - apit témbok kalapis marmer, toer mawi pyan témbok oegi kalapis marmer, ladjeng doemoegi ing Bangsal wijar pesagi djrambah, témbok, langitan kelapis marmer pèlès lan polèng mantja warni, kadjagi pradjoerit sadaja, mandi lawoeng mawi waos. Sandanganipoen pradjoerit sarwa lorèk djené toewin biroe.

Wonten ing rikoe para prijantoe kakoeng poetri ingkang sami sowan sampoen sami samekta ngentos di dawoeh. Panganggé mitoeoet pre-natan, kakoeng poetri sarwa tje-meng, para wanita nganggé koe-doeng soetra krawangan tjemeng.


Samangsa wonten para loehoer ingkang rawoeh, kados déné Kardinal, Biskop, Doeta mantja pradja, oetawi Satrija (ridder) loehoer pradjoerit dja-gi kaantri dipoenabani tjaoes oemat. Wah tjantas, jèn sinawang. Tijang sadaja sami gagah rekaos toer djaka².

Boten antawis dangoe wonten poenakawan manganggé sikepan lan sroewal pandji-pandji soetra abrit gil-lap, lan ngatoeri para kakoeng njing-gahaken topi. Sadaja sampani nomer. Sa-reng sampoen, para sowan kairit da-teng bangsal londjong, ingkang saged amot koersi kalih atoes, inggih poenika bangsal konsistori.

Menggah gebyaripoen bangsal ngrengsang. Djrambahipoen marmer, témbokipoen dipoenlangse soetra abrit katjeplokkan sekar pra-osan toer mawi dipoen-gantoengi gambaran ingkang misoewoer.

Plangitanipoen kaeokir kakotak-kotak amrok asri, mamèraken ka-prigelanipoen ingkang nggarap lan nandangi.

Bangsal waoe kapérang dados tigang pérangan. Koela atoei mriksa-ni gambar ing ngandap poenika.



Keterangan.

- dampar kentjana.
- \*\*\* bloedroe kawiroe minangka singgetan.
- ⊙ koersi.
- dingklik kalémekan sembet woengoe.
- lenggahan pandjang kalangsé soetra abrit.
- lëndéjan lenggahan ngiras slintroe andap.
- konten.
- \*\* para oelama loehoer, ingkang ngam-

- ping-ampingi lan ngladosi ngarsa dalem ingkang Sinoehoen Kangdjeng Sinanta Rama.
- \*\* para Satrija loehoer, mengagem ke-prabon pradjoeritan.
- V.V. para opsir loehoer.
1. Ingkang soemoenoe Kardinal Lorenti.
2. " " " Ehrle
3. Ingkang dahat sinoeba Pengageng-ipoen College bangsa Scot, pramoegarinipoen para ingkang nengenaken kasoebagjan.
4. Ingkang langkoeng sinoeba Rama Djéndral S. J.
- 5 lan 6. Doeta mantja - pradja: ingkang sa-toenggal doeta pradja Inggris.
7. Satoenggiling Biskop.

Para ingkang sami sowan kairid mlebet kori no. II; para wanita ka-poerih linggih wonten ing koersi. déné para wirja wonten ing dingklik. Bokmenawi sami kepéngin priksa wonten ing poendi papan koela. Sampoen sami kagéd, lo! Koela atoei mriksa-ni gambar ingkang setiti lan koela tjaoes antjer-antjer. Para maos rak ladjeng saged nginten-inten pijambak. Koela kapapanaken wonten ing bangkoe, sa-wingkingipoen Kardinal Ehrle (2) let koersi palenggahan kalih ingkang kotong. Dados tjelak singasana roekmi, tebih - tebihipoen let 3 M. Wingking koela Rama saking Scot-land, ingkang nanggal lan ngrigenaken kasoebagjan, sisih kiwa Rama Abé saking Djepan.

Sareng para kardinal (namoeng 2) para Bisschop lan Rama Gene-raal S. J. kaapit-apit ing Doeta kekalih, sampoen sami tata lenggah, ngarsa dalem tedak ginarebeg ing para Oepsir lan Satrija loehoer, poenapa malih para oelama loehoer. Sadaja djéngkeng, ngarsa dalem paring berkah, noenten pinarak ing dampar. Sasampoenipoen Ingkang Sinanta paring sasmita kanti asta tengen, sadaja ladjeng linggih.

Pramoegarinipara ingkang ngad-jengaken kasoebagjan madjeng, djéngkeng, ngadeg lan wiwit maos nawala dalem, ingkang nerangaken bilih Rama Giovanni Ogilbé imam S. J. lan missionaris ing tanah Scot (Inggris sisih lèr) sédanipoen pan-tjen séda sahid, pantes kaangkat dados soebagia martir. Nawala waoe kaserat ing basa Latijn.

Bakda nawala kawaos, ngarsa dalem imbal pangandika, ngagem basa Itali, soeraosipoen kénging karingkes makaten:

2. Ingkang Sinanta paring pana-rama dateng ingkang sami njamboet damel, ngadjengaken kasoebagjanipoen martir ing Scotland.

2. Ngendikakaken, menawi Rama Giovanni Ogilbé boten ngemoenga-ken séda margi kapitadosanipoen, nanging oegi margi toehoe dateng kawadatanipoen lan katresnanipoen dateng Ngeroem, dateng Vatican, dateng Kangdjeng Paus.

3. Kepjaking kasoebagjan dadosa toelada dateng kadang Katolik, ingkang kapeksa gesang ing madyani-poen sesami ingkang boten noeng-gil saréngat.

4. Paring pitedah dateng para sowan, amrih tatag, toehoe sentosa ing gesangipoen, boten perloe adjrih senadjan rinoeboeng ing sambé-kala manékawarni, sinerang karoban mengsah, toer boten katah toeng-gilipoen mengsah ing pabaratan. Sebab poetraning Widdi tansah djinangoeng ing Ramanipoen ingkang Maha-asih, Maha-koewasal

Koela kerep mangalotjita lan mi-rengaken piwoelang prekawis pa-srah lan pitados ing Allah, nanging toemadjemipoen dateng manah boten kados sapindah poenika. Dja-laran wedaring gagasan lantaran temboeng, ingkang midjil saking toetoe dalem Ingkang Sinanta Ra-ma, Sesoelih Dalem Sang Kristoes. Gegentosipoen Santo Pétroes, ingkang kapasrahan ngengén para mén-da toewin tjempé, ingkang sami soemebar ing saindenging djagad.

Kala semanten koela temtoe ké-mawon anggagas dateng kadang koela Katolik ing tanah Djawi, ingkang taksih nama kaslempit, sok asring kelara-lara, kekirangan srana ingkang saged ambombong-raosing manah sadoe. Éwaseman-

ten senadjan keraos-raos, meksa oegi boten alitan manah, boten oewas, margi ngéngeti, bilih Goesti wonten ing poendi-poendi. Asta dalem boten wonten ingkang koe-wagang nangkis oetawi ndoewa.

Bibar pangandika, Ngersa dalem ngililani para loehoer sawatawis ngabekti panembah pada dalem. Sasampoenipoen paring berkah dateng ingkang sami andèr sowan, Ngersa dalem koendoer ngedaton kadèrèkan para pendèrèk.

Para ingkang sami linggih ing satjaketipoen singa-sana sami di-poenedoemi toeroenan nawala dalem ingkang mentas kaandaraken, awoe-djoed lembaran ageng, kaglitir ti-nangsoelan soetra woengoe mawi gombjok djené. Koela oegi tampi. Ing sasaged-saged badé koela emi-emi minangka pènget.

Bibar poenika koela teroes ma-gita-gita medal konten I, mendet topi, lan gegantjangan dateng bangsal ingkang kanggé ningalaken pisoeng-soengipoen pradja Duitschland, ingkang mentas dateng. Pisoengsoeng waoe woedjoed bala-petjah kagem kemberoel dahar andrawina, warni ambongan sabangsandipon tjatjah 600 idji. Sadaja kasoengging lan kapraos bergas, toer garapan tangan, dados boten kaetjap. Katingalipoen ngéman - émani jèn kagem dahar, meh kesaneén. Temtoe kémawon kirang pakolèh jèn dipoenanggé lambaran ngoeojep djangan bobor, oetawi ngoeleg sambel bawang.

Béndjing éndjing Ngahad sapi-sann ing woelan December, koela kalilan ndèrèk Mi wonten ing St. Pieter, ingkang koendjoekaken ngersa dalem ingkang Sinanta Rama. Dinten Selasa 3 Dec. kadawoehan sowan ngabekti dateng Vaficaan.

A. S.

GOENTOER - GENI.

Kados inggih katah prijantoe ingkang sampoen priksa bilih Goen-toer-Geni poenika namaning doeso-en kabawah kaonderan Sandèn, dis-trik P a n d a k, tebihipoen saking kita Ngajogjakarta watawis ± 17 paal, kepernah ing sakidoel - kilèn kita-Ngajodja.

Ing doeso-en Goentoer-Geni, poe-nika tetijangipoen katah ingkang sa-mi ngrasoe agami Islam, oegi won-ten malih ingkang sami ngrasoe agami Protèstan, awit kantja Pro-tèstan oegi sampoen dangoe ang-gènipoen amentjaraken kabar kabi-ngahan Indjil soetti, wonten ing koekeoban ngrikoe; tandanipoen boten tebih kalijan Goentoer-Geni wonten Hospitaal jasanipoen zending, manggèn ing doeso-en Sandèn. Da-dos inggih boten anggoemoenaken, bilih ing ngrikoe sadèrèk Protèstan oegi katah tjatjahipoen.

Ing Goentoer-Geni wonten sadèrèk gangsal, awasta poen: Martasoewita, Soeradirja, Kartasentana, Setrakarija toewin Mangoenkarija.

Tijang gangsal poenika sami adedasar ngèlmoe makripat, lan oegi ngèlmoe klenik; poenapa malih mawi awewaton: Goesti Allah ikoe ana ing papan tjioet ora sesak, ana papan amba ora lodok.

Wondéné sadèrèk gangsal poeni-ka ingkang dados pangadjengipoen sdr. Martasoewita, sanèsipoen na-moeng ambantoe.

Saking pepadanging Pangéran, ing Gandjoeran wonten goeroe agami i. p. R. M. Prawiramandjaja, ingkang boten ngétang sajah anggèni-poen anglampahi ajahan Dalem, mentjaraken Indjil ing sagadoeki-poen.

Noedjoe satoenggiling dinten poen Martasoewita saged pinanggih kalijan goeroe agami ing nginggil lan oegi kepranan ing rembag pra-kawis agami, pramila wiwit ing dinten poenika njagahi toemoet woet-jalan ing Gandjoeran seminggoe kaping kalih. (5 paal tebihipoen). Rèhipoen tebih, dangoening-dangoe poen goeroe agami mesakaken lam-pahipoen, toemoenten pijambakipoen ngawoni ndatengi ing Goentoer-Geni, mawi piet.

Saking pepadanging Pangéran pa-sinaonipoen kalijan gampil, kados déné kadjengipoen pijambak. Dja-laran poenika saged noenten kabap-tis sesarengan kalijan kantjanipoen watawis wonten **pitoe**.

Sabakdanipoen poenika saja ngangseg katah malih ingkang sa-mi toemoet woetjalan kinten-kinten tijang **sèket**.

Ing salebetipoen woelan Decem-ber 1929 wonten tijang **nembelas** ingkang sami kabaptis.

Poen Martasoewita namanipoen Silvester, Soeradirja Matheus, Kar-tasentana Marius, Setrakarija Mar-tinus toewin Mangoenkarija Pétrus.

Wiwit dinten poenika, tijang gangsal waoe sami kaparingan san-tosaning kadjeng, sadaja sami nijat damel Grédja alit-alitan, kanggé anje-kapi kabetahaning Katholiek ing doeso-en Goentoer-Geni.

Sadaja sami roekoen, toewin bo-ten nilar ing sembahjangan; saeogi badé toemandang ing damel, boten ngilwakaken sembahjang, lang-koeng-langkoeng manawi kekirangan wragad oetawi badé.

Menggah ingkang kagarap roemi-jin njitak banon, kalijan nglem-paken kadjeng kanggé mbesmi banon waoe. Wiwit njitak doemoegi ram-poeng dados banon dangoenipoen kawan woelan.

Sapoenika tijang gangsal waoe wiwit nandangi damel Grédja i. p. padamelan soetti; wonten ingkang pados wedi, wonten ingkang damel oesoek, wonten ingkang ngrembag gamping, wonten ingkang ngoekoer-oekoer papanipoen toewin sanèsipoen; sadaja waoe boten nilar sembah-jangan, sabab watonipoen: „Goesti Jésoes ikoe Maha-soegih, jèn disoe-woeni apa-apa sing dadi kaboetoe-haning soekma, mesti bakal maringi.

Katjarijos témboking Grédja moebeng sampoen dados, kantoen kori toewin tjandéla derèng wonten. Ba-dé toembas kadjeng, boten gadah jatra; badé neda pitoeloenganing sa-nès, roemaos kirang sreg. Gagasanipoen katimbang neda kawelasan-ing sanès, aloewoeng njoewoen dateng Goesti Jésoes, ingkang mesti *soegih* ing samoekawis, toer inggih ageng kawelasanipoen doemateng para oemat.

Wasana sadèrèk gangsal waoe sa-mi sembahjang sesarengan akanti oemat, pitados, telatos toewin troes-ing manah, perloe njoewoen ka-djeng, kanggé kori toewin tjandéla. Goesti Jésoes rena sanget midan-getaken panjoewoenipoen sadèrèk gangsal waoe, woesana saking kersa-ning Goesti, rama Van Driessche tindak dateng Goentoer-Geni.

Sakondoeipoen ing Pastorie Kam-pementstraat, kaleresan priksa rama Beune sawé andoengkari kadjeng djatos badé dipoen boetjal, awit ka-tinggal ngregedi pastoean.

Sanalika rama Van Driessche la-djeng ngendikan kalijan rama Beune prakawis kadjeng bongkaran poenika, sampoen ngantos kaboetjal, badé kaparingaken sadèrèk Goentoer-Geni ingkang ambetahaken sanget. Wasa-na kadjeng toemoenten kaesoeng dateng Goentoer-Geni.

Kadjawi poenika sadèrèk Prawira-mandjaja saged njetjaraken kori ageng tilas korining kandang montor kagoenganipoen toewan Schmutzer Gandjoeran.

Sapoenika Grédja Goentoer-Geni sampoen dados, kagarap ing dalem gangsal woelan; jasanipoen sadèrèk Djawi, (tijang gangsal) inggih boten ageng, kinten-kinten tjekap tijang 100. (soek-soekan).

Tetep pangéram-éram poenika koela mastani, awit namoeng tijang gangsal toer inggih boten soegih, poenapa malih boten abanda kapin-teran, teka saged damel jejasan ingkang kados mekaten.

Padvinder Gandjoeran sami toe-mandang toemoet ngèntjangi rere-sik ing djawi, poenapa malih oegi ngatoer-ngatoer ing nglebet Grédja, saéngga sarampoengipoen katingal saén. Tanggal 3 Januari 1930 dawah dinten Djoemoewah sepisan, Grédja

waoe dipoenberkahi pandjenenga-nipoen rama van Driessche, mawi Mis ageng, kadjenengan pandjenen-ganipoen rama Hagdorn lan rama Hellings.

Kadjawi poenika toewan Schmut-zer nèm sepoe, kalih-kalihipoen kalijan ingkang garwa, poenapa ma-lih sadèrèk ing Ngajodja ± 30 ageng alit, sami merlokaken angombjongi, angramèkaken dinten berkahan poe-nika.

Para zangers saking Gandjoeran winantoe oengeling orgel, soewan-tenipoen angrangin, adamel rege-ning pakoeraman. Padjang-padja-ngan ing djawi toewin ing nglebet oegi katingal angresepaken.

Bibar Mis watawis djam 10 lang-koeng saprasekawan, sadèrèk Silves-ter Martasoewita, atas namaning sa-dèrèk gangsal angatoeraken panoe-woenipoen dateng para rama-rama, miwah para toewan-toewan lan njo-jah-njojah, oegi dateng para tamoe sadaja, déné sampoen kersa andje-nengi angramèkaken dinten poenika.

Kadjawi poenika angandaraken ba-bad-babadipoen, déné pijambaki-poen saged merobat toewin kados-poendi déné Grédja Goentoer-Geni saged dados. Wondéné soeraosipoen inggih kados orèhan ing nginggil.

Sadèrèk Setrakarija oegi ngilai-ken bingahing manahipoen, déné Pa-daleman Soetti saged dados, lan sa-poenikanipoen oegi sampoen biner-kahan.

Sadèrèk Soegiri atas namaning K. W. Ngajodja, ngatoeraken kasoe-gengan dateng para sadèrèk ing Goentoer-Geni, ingkang sami go-tong rojong ada-ada adamel Grédja, ingkang sanget ageng pigoenanipoen. Poenika pantes kinarja toeladaning para oemat Katholiek sadaja.

Boten langkoeng koela toemoet memoedji, moegi-moegi Padaleman Soetti ingkang sampoen binerka-han poenika sageda sangsaja dangoe, sangsaja ambijed oewohipoen toe-win angrembaka ronipoen, wasana saged angajomi para sadèrèk ing Goentoer-Geni sadaja.

Pandjenenganipoen rama Van Driessche ngandika atas namaning para Walandi lan njojah-njojah, bi-lih sadaja para tamoe sami goemoen, déné wonten krekak ingkang kados makaten, toer inggih saged saé ke-dadosanipoen. Nanging inggih ka-tambahan, sampoen ngantos oemoek angsal pangaleming sanès, awit oemoek poenika dedasar ingkang andjalari tebih dateng Pangéran. Prajogi matoeur noewoen dateng Goesti Allah, lan njenjoewoen soe-pados pinaringana saja anggregoet mboedjeng sampoenaning gesang.

Ing wasana moegi-moegi lelam-pahan nginggil poenika sageda da-dos paloepining para oemat Katho-lik sadaja, toemoentena saged ka-lampahan ing sanès panggénan.

Taklim koela

L. J.

L A R A S A T I.

GESANG RERAJATAN LAN DJAGAD SOCIAL.

Wewenang lan wadjibipoen ti-jang sepoe dateng anak.

Sampoem tjeta sanget, bilih tijang sepoe ingkang gadah wenang lan wadjib moelasara anakipoen. Lan sapoenika poenapa ingkang kedah katindakaken?

Manoengsa poenika toemitah ingkang kaparingan boedi, kadadosan saking soekma, ingkang boten badé sirna lan badan ingkang badé sirna. Ngéngeti ingkang makaten poenika, sampoen terang sanget, poenapa ingkang kedah katindakaken ing ti-jang sepoe; nomer satoenggal mar-soedi saéning soekmanipoen laré; panggoela-wentah rohani (geeste-lijke opvoeding) kedah karoemijina-ken, kedah kaewratakan ketimbang panggoela-wentah djasmani (lichame-lijke opvoeding), senadjan pang-goela-wentah djasmani boten ké-ning katilar, o babar pisan boten Manawi laré taksih alit, bijoengi-



poen pijambak ingkang kedah moe-lasara, njoekani teda; dados boten kénging kalémbakaran datang ti-jang sanès. Déné manawi badani-poen ringkih kénging kapasrahaken ing sanès, manawi poenika saras ing sadajani-poen. Prakawis poenika sadèrèk Djawi kados boten soesah soemelang adrih bokmanawi nilar wadjib; awit sadaja kémawon, ing-gih prijantoe, inggih tijaंगा li-mrah, tentoe ndjagi datang anak-i-poen (baji).

Tijang sepoeh kedah ngreksa kawiloedjenganipoen badan toewin soekmanipoen anak. Pangreksani-poen sarana ndjagi:

Soepados anak sampoen ngantos tjelak-tjelak ing bebaja pedjah oetawi bebaja ingkang njirnakaken kasarasanipoen. Bangsa prijantoe asring gadah abdi ingkang ngoelat-oelataken poetrani-poen. Bangsa ti-jang alit boten toemindak makaten poenika. Mila sasaged-saged ladjeng dipoenemong pijambak, toer mawi kasambi njamboet damel. Manawi sampoen gadah anak ingkang raji ageng, poenika ingkang kapoerih momong; ananging ingkang momong waoe kerep taksih remendolan pijambak, ladjeng soepé dateng momonganipoen; woosana kerep manggih tiwas.

Samangsa laré sakit, tijang sepoeh kedah énggal-énggal pados djampi, moerih saras saktipoen. Ingkang prajogi ngoendang dokter oetawi tijang ingkang ngertos ndjampeni. Sampoen pisan-pisan tijang ngoe-gemi kolotipoen, namoeng pados oesada satjandak-tjandakipoen ké-mawon; terkadang neda toeloeng, tijang ingkang boten soemerep ba-bar pisan datang djampi. Langkoeng-langkoeng manawi sakit nglebet boten ketingal, poenika sinten ingkang saged mantoenaken, kedjawi ingkang sampoen damang poenika?

Tijang sepoeh koewadjiaban njoekani pangadjaran datang anak; lipi-poen: ndjagi kedadosanipoen ing bédjeng. Sakinten tijang sepoeh boten katenggan ing banda kanggé bektani anakipoen, kedjibah sanget ngoedi soepados anakipoen angsal pakarjan, sageda ladjeng gadah pangoejadiwa pijambak.

Sakatah-katahi-poen tijang sepoeh boten kirang ingkang owel tjotjotjoel arta kanggé madosaken kasageda-nan anakipoen; kosok-wasgoel, wonten kémawon tijang sepoeh ingkang boten ngéman ngedalaken wragad kanggé mbandani anak, se-bab koemedah-kedah gadah anak ingkang dados prijantoe, ngantos sadaja sapanadanipoen, sanadjan ingkang kirang nalar pisan, inggih dipoentoeroeti.

Makaten poenika boten prajogi; tijang ingkang nomer satoenggal nama kirang djembar pamawasipoen; déné ingkang nomer kalih, kénging kawastanan kirang ngatos-atos.

Tijang sepoeh boten kénging ba-bar pisan ngawoet-awoet bandani-poen kanggé roerajan; ananging ke-dah gemi, wekel panjamboet da-melipoen, soepados sageda wonten ingkang kanggé dinten wingking; dados njèlengi poenika sampoen wadjibipoen. „Wong toewa, kang koedoe ngloempoeaké brana anaké; ora kosok-balèn, anak kang koe-doe golèk banda kanggo wong toewa.” makaten pangandikanipoen ras-oel agoe Santo Paoloes.

Doemoegi semanten koela saweg ngrembag koewadjiabanipoen tijang sepoeh datang anakipoen ing ba-bagan djasmani; dinten wingking ngrembag sanèsipoen.

Noewoen. A.

#### SAJA NGANGSEG.

Mangsoeli prakawis serat kabar padintenan kangé tijang Katholiek priboemi.

Wonten ing Sw.T. no. 39 (8 No- vember 1929) koela angèntaken: Kados-poendi sagedipoen kita tijang Katholiek priboemi damel serat ka-bar padintenan; ladjeng dimas C. Ordeeka wonten ing Sw. T. no. 42 nerangaken sapinten agenging pi-goenanipoen serat kabar, sarta ne-dahaken kados-poendi pamanggih lan pangandikanipoen para pinoen-djoel lan para soegih koepija, sarta nglairaken gagasan toewin goemoen-ipoen. Ingkang makaten poenika dimas C. O. kénging koela wastani netjogi wontenipoen dagblad, lan oegi katingal anggenipoen remen badé ambijantoe. Boten langkoeng sageda kaboolan kataha sadèrèk inkang makaten! Ing Sw. T. no. 45 sadèrèk Soe-Tédja nerangaken a-wrat lan betahipoen tijang badé da-mel dagblad, lan neda soepados nganggé basa mjadjeng, toewin mastani jèn koela gadah oesoel. O, boten, prakawis oesoel boten babar pisan, koela namoeng nenangi lan angèntaken, mangga koela atoeri maos sapisan malih! Prakawis basa Mladjeng; soemanggal Déné ingkang sampoen oesoel datang P.K.W. poe-nika K.W. Blitar (mirsanana verslag K.W. Blitar ing Sw.T. no. 45). Lah

mangga koela atoeri manggali-h sa-èstoe.

Sapinten agenging goenanipoen prakawis ingkang dipoenoesoela-ken?

Kados-poendi oesoel waoe saged toemindak poenapa boten?

Toemindakipoen waoe kados-poendi njengka poenapa boten, badé ngoetjiwani poenapa boten?

Saged lestantoe poenapa boten? Tjekakipoen kedah kapanggali-h ingkang pandjang; awon lan saénipoen kados-poendi? Bédjeng kanggé sangoe datang kongres P.K.W.

Eman sanget jèn para kadang Katholiek priboemi taksih sami dè-rèng mangertos datang agenging goenanipoen pers. Poenapa taksih kirang pandjang oréhanipoen dimas C.O.? Poenapa taksih kirang terang? Ing Tamtama Dalem Dèwi Marjah 15 Desember 29 poenika oegi ne-rangaken sapinten dajani-poen Pers. Sanadjan sadèrèk Afrika, ing wek-dal sapoenika sampoen sami seng-koet toemandang wonten ing pers. Poenapa kita tijang Djawi Katholiek namoeng badé ngétja-étja kémawon? Temtoe boten! Koela pitados jèn sadaja gotrah Katholiek djaler èstri badé sajieg roekoer mbantoe nga-gengaken pers kita. Koela pitados jèn poenika badé kapanggali-h saèstoe.

Oesoel waoe sagedipoen toem-in-dak mitoeroet sadèrèk S. T. kedah gadah pawitan—poenika leres. Lah soemangga sami pados pawitan. Manawi owel èntré sapoenika damel andil kémawon. Agenging andil f10; tjatjahipoen 1000. Dados saged da-mel pawitan f10.1000. Ingkang ké-nging toembas andil sadéngah tijang lan kénging langkoeng satoenggal.

Betah baow, waton sampoen won-ten artanipoen, saèstoe gampil. Mila ingkang kedah karoemijinaken an-gènipoen pados pawitan roemijin.

Ing wasana sadaja poenika waoe koela soemanggakaken datang ka-dang Katholiek sadaja, minggahipoen datang K.W.K.W.; soemengkanipoen datang P. K. W. P. K. W. tamtoe sampoen damang sanget datang bé-tah kita tijang Katholiek ing ba-bagan social. P. K.W. temtoe inggih ndjagi sanget datang wilodjenging tijang Katholiek ing tembé wingking. P. K. W. temtoe ngemen-emenaken sanget damel jejasan lan nggegesang jejasan ingkang sampoen dados, namoeng kanggé kita tijang Katho-lik toemoeroenipoen datang anak-poetoe.

Ingkang poenika mangsa borong! M.J.S. Hardjasoebrata.

#### KABAR MENGENG..... DAMEL KIRANG SENENG.

Bintang Mataram\*) metik wartos Soematra bode, makaten wosipoen: Alasan *Padri diboenoh orang*, sebab ia *didakwa memboedjoek pe-rempean dan gadis-gadis dengan antjaman!*

Lo, memboedjoek bab poenapa, bab agami, poenapa bab sanès.

Manawi ingkang martosaken ng-ertos terang temtoe saged damel ka-trangan maton. Manawi kabar kados makaten waoe boten pantjèn di-poendamel kanggé ..... padri, koela wani mastani djoeroe kabar mengeng waoe, boten ngertos terang, namoeng getok toelaaaaar blèkèn.

Kaeningana temboeng: „memboe-djoek” poenika toemrap moerid pa-dri damel saking koeping. Éwa-déné jèn pantjèn maton badé poenapa malih, alah gelar déning jekti! Mangké gèk temboeng Padri oegi sanès malih, ha rak kodjoer pitoelikoer. Ngatos-atos prijantoe, menawi damel pawartos. *Bajoworo.*

#### PAKEMPALAN DERMA.

A. Dospoendi dimas, panggenan pandjenengan sampoen wonten tjabang K. W. oetawi P. P. K. D.?

B. Boten saged kamas. Sapisan sadèrèk Kath, boten sapintena katahi-poen; kaping kalih panggenanipoen pating prentja tebih-tebih.

A. Makaten kémawon dimas. Me-nawi ngedegaken tjabang K. W. oet-awi P. P. K. D. boten saged; nga-wontenaken pakempalan derma ké-mawon. Gampil-gampil saangsalsalipoen. Oepami koewadjiabi-poen lid namoeng kedah derma saben woelan, apesipoen fo, 10. Kados bot-en badé kawraton.

B. Ladjeng, jatanipoen kader-makaken datang sinten?

A. Wa, poenika prakawis gampil. Oepami kanggé derma Sw. T. ingkang 20%; kanggé V. L. S. 50%; sanèsipoen kanggé sadjan, bokma-nawi wonten ingkang betah dipoen-dermani; kadosta: ing anoe wonten karisakan, ing anoe badé ngedegakan Grédja Djawi l.s.p.

B. Inggih, tjobi woelan ngadjeng koela ajatanipoen.

A. Manawi sampoen saèstoe ma-deg; perloe kakabaraken ing Sw.T. soepados katiroe ing sanès panggé-nan.

B. Inggih sendika. P. P. T.

\*) Bédjeng malih kaseboetaken nomer pinten. Red.

#### BAHAGIA KOELA GATOSAKEN.

Ontjèn P. Mérah\*) ingkang toe-moedjoe Bahagia koela anggep ka-singghian sanget. Kados-poendi penampi Bahagia? Jèn manoeet soe-merep koela remen datang djedjeg kelatjoeting temboengipoen, ingkang dipoensarowé kedah bikak topi kados saben-saben anggenipoen ngendika datang katah, minangka pambélaning kadjedjegan. Déné mangké meta-meta, koela ingkang migatosaken ladjeng kepeksa ngoe-tjap looo, lan sedia „gowok santerf kanil” kanggé pènipoen. Dagblad ingkang sampoen klebet popiler, temtoe saged mboektèkaken para-dahipoen, jèn kersa!

Woosana sampoen nginten Swara Tama, manedja damel tjloréngan o boten! Sw. Tama oematipoen remen lan tjotjog datang koran djedjeg lan adil kados Bahagia wingi-wingi. *Bajoworo.*

#### NERANG.

Ing Sw.Tm. no. 40 tg. 15-11-'29 kolom 4, larikán 13 saking ngandap, pag. 1, wonten oengel-oengelan: mangka G.D. poenika prijantoe.

Ingkang poenika, neda keparenga paring seserepan, G.D. poendi ingkang kagolong (tetep klebet) prijan-toen?

Wosing pitakèn poenika, (poen pa-njerat) boten nijat babar pisan, mè-ri, srèi, goemedé, ambek koemloeng-koeng, apes boten remen bangsanipoen sinoeng dradjad, poenika bot-en. Saloegoet kolang-kaling pinara sasra loogoe saking emeng (semang-semang oet. roengak-roengak).

Ing ngrikoe prijantoe poenapa sa-king Djawinipoen temboeng Ambte-naar? (pegawai, pendjabad Mlj.).

Ingkang kawastanan prijantoe poenika poenapa?

Jèn tjotjog, poen panjerat gadah pamanggih, mastani, santana koela warganing Radja. Awit saking tem-boeng PRAJAJI. (Manawi leres ané).

#### VAN LITH-STICHTING

jejasan  
énggal poenika  
↓  
sagedipoen madjeng  
↓  
namoeng  
saking pitoeloengan  
pandjenengan

Pangreh V. L. S.  
p/a Bijz. H. I. S.  
MAGELANG.

Mila ladjeng, para ingkang dédé darah, ingkang kapareng nganggé (ngagem) letter W oetawi aksara tjekakan tjirining Kraton, (oep. P. B.) kawastanan prijantoe, awit tampi serat kakantjangan (besluit). Dados abdi sinelir (pinilih) prasasat kinoe-la wisoeada dados warga, djer na-dyan kanti rekaos nglampahi ajahan, angsal semboelih, tampi tjadong oet. pantjèn saben woelan manoeet an-dap-inggiling dradjadipoen.

Ing sawenèhing panggenan sad. G. D. kasamèkaken kalijan bebaoe doesoer. (Sami kalijan pangkang poenapa, sami boten terang). P. P. panjerat sadèrèngipoen maos Sw. T. kaseboet, pitakèn datang salah sa-toenggaling prijantoe B. B., G. D. poenika prijantoe poenapa dédé? Boten angsal wangsoelan goematok poenika dèrèng terang.

Ingkang paring serat kakantjangan sinten? (toemrap pasisir lol). Ing Vorsten Landen koela oegi boten ngretos, awit késah koela saking V.L. sampoen watawis 16 taoenan.

Ingkang mbajar sinten?

Koela gadah padjeg pasitèn sa-tjoewik, poenika mawi intilan. Koela pitakèn datang loerahipoen, lo, di loerah, kok mawi intilan, tyang namoeng semanten; wangsoelani-poen: o, inggih intilan poenika kang-gé mbajar G.D. Poenapa leres ma-katen? (Intilan poenika ing padoe-noengan koela ngriki lan ing doe-soen koela ngriki, boten sami, ka-woeningana).

Malih wonten G. D. boten kepa-reng mawi das lan kraag. Sabab?

Poenika poen panjerat raji matoek, awit mbeborosi, lan boten pantes oepami nganggé openjas das-dasan, ngiringaken sémahipoen nggè-dong ténggok. Na—nging sampoen kagèt, jèn wonten G.D. saged gadah fietsauto.

Wasana sampoen klintoe ing pa-mawas. Awit lenging sedy, satengoe tan mangangkah damel gendra.

Pangkasamanta.  
DAÈNG MANGGELENG.  
K. S. - Al. - Km. - Bgl. 21-12-'99.

\*) Bédjeng malih kaseboetaken nomer pinten. Red.

#### TOEMOET OEROEN-OEROEN SAKEDIK.

Poenapa para sadèrèk sampoen maos ontjèn Patjar Mérah ing Sw. Tm. No. 47 ingkang saking pandoegi koela kedah nomer 1 ing taoen poenika? Manawi sampoen, temtoenipoen inggih sami anjoeraos kados-poendi ngesipoen. Kanggé koela tijang redi, tebih djagad se-srawoengan, kok matoek sanget ma-katen poenika. Mila katah pigoe-nanipoen mangertos basa warni-warni poenika; sebab ladjeng djem-bar djadjanan kita, katah seserepan toewin bablas paningal kita, dedel moeloek doemoegi poendi-poendi. Poenapa malih boten namoeng moe-rakabi badanipoen pijambak, tijang sanès oegi toemoet ngoendoeh wohi-poen; semanten poenika manawi boten dipoenrendem ing salebeting wardaja, nama dados wastra loeng-sed ing sampiran. Wah éman sa-nget; wonten toeladanipoen? .... Katah sanget.

Para sadèrèk! soemangga tjant-toet, sampoen kèndel ing margi, ngombjongi sad. Patjar Mérah; langkoeng-langkoeng poengkasaning oréhan pantes kita gatosaken, ing-gih poenika; njakèken economie. Propaganda, oeroen baow pinten-pinten, badé sakedik tandjanipoen, samangsa lembèk oetjoeling kantong, dados zonder economie. Sakedik badé paédahipoen, kita mangertos basa mantja warni, manawi boten saged andatengaken ingkang dipoen-waos, alias koran-koran saking man-tja negari. Lan oepami kita dèrèng mendet koran kita pijambak, poe-napa badé kedoengsang-doengsang pados koran sanès negari? Lo, sa-wenèhing tijang inggih wonten ingkang makaten poenika, nanging ....

Makaten poenika wonten èmpiri-poen sakediilik sanget, oepami ké-mawon bab regi. Kados „De Tijd”, poenika dagblad, medalipoen sadin-ten-dintenipoen ngantos nembelas katja, kok namoeng pangaos f 4,50 sakwartaal. Koela raji ngoengoen. Anggoemoenaken malih: „De Tijd” sapoeika mawi avond-poenapa och-tendblad koela soepé, reginipoen malah .... medak, namoeng f 4. sakwartaal. Poenika kados-poendi;

Pélo.

#### OPVOEDING.

##### PANGLIMBANG.

Mitoeroet Don Adrès Manjon.

Soepados saged kadoemoegèn ingkang sinedya, goeroe poenika oetaminipoen kedah kadoenoengan watak ngatos-atos, ambek adil, san-tosa ing tékad sarta saged ngenggèni doegi lan prajogi. Manawi tansah ngèmoeti prakawis poenika, tamtoe toemindakipoen saktija lan katah pakolèhipoen.

Goeroe poenika wadjib ngatos-atos, awit sinten boten ngatos-atos oetawi kirang ngatos-atos temtoe badé manggih reribed. Ngatos-atos poenika boten kénging namoeng sadinten kalih dinten, kedah sala-djengipoen, awit sinten ingkang pegat ing pangatos-atos kénging dipoen-wastani léna. Sinten ingkang léna kena. Liripoen kena roebéda. Pa-ngatos-atos poenika ingkang mra-nata, ingkang noentoe, ingkang dawoeh poenapa ingkang kedah dipoenlampahi oetawi poepapa ingkang kedah dipoensingkir. Sinten ingkang gadah tanggulan noentoe laré, mangka nilar pangatos-atos, sampoen temtoe gampil njimpang saking ingkang leres, saged damel kasoesahanipoen ingkang dipoenrek-sa, awit gampil gadah tindak ingkang dédé leresipoen. Tijang sepoeh ingkang mitajakaken anakipoen datang goeroe, poenika gadah pangadjeng-adjeng ageng. Manawi laré-laré sami boten dados awit saking pépèkaning goeroe, tegesipoen goeroe waoe adamel tjilakanipoen pijambak. Ka-djawi poenika namanipoen dados awon, manawi sampoen kaladjeng, angèl anggenipoen njakèken.

Boten namoeng ing bab ngoelat-oelataken laré, goeroe poenika kedah ngatos-atos, sanadyan salebetipoen nampèkaken piwoelang oegi boten ké-nging kirang wéwéka, amèkaniingkan gawat. Damel rantjangan piwoe-lang ingkang badé katampèkaken, poenika inggih kalebet pangatos-atos. Ngoepados réka daja oetawi srana moerih piwoelang gampil dipoenng-ertos, poenika inggih pangatos-atos. Nitèni wataking satoenggal-toeng-galing moerid gandèngipoen kalijan anggenipoen nglebetaken piwoelang poenika inggih tindak ngatos-atos. Manawi makaten goeroe poenika preloe sanget nitèni lagoe-lagéjaning moerid, ngoepados akal anggampil-aken piwoelang, damel rantjangan woelangan kanti temen-temen, soe-pados kangèlanipoen saged toema-dja, tegesipoen laré saged mangertos poenapa ingkang dipoenwedalaken

djoedeg koela!! Poenapa margi ka-tah ingkang dados aboné poenapa kados-poendi poenika.

Kersanipoen ki Patjar Mérah tem-toenipoen namoeng ingkang soeme-dya bantoe Sw.Tm. dados boten sa-daja; mangké ladjeng kados-poendi! Nijat kemadjon, kados déné Toerki. Présidènipoen, sang Kamal Pascha poenika ada-ada énggal; ngrembag saèstoe datang kemadjengan, ngan-tos kénging dipoenwastani modern embahné modern. Tijang priboemi ngrikoe dipoenpeksa sinaoe basa Latin; sanès *aksara* Latin, nanging *basa*, i. p. basanipoen tijang Itali roemijin; basa Latin, sapoenika sam-poen boten kaoetjapaken; nanging basa Itali sapoenika, wonten èmpiri-poen katah. Basa Latin waoe poe-napa badé katah pigoenanipoen toemrap tijang priboemi ngrikoe? Koela kirang priksa; nanging katah ingkang mangajoebagja tradjangi-poen sang présidèn. Kok anèh.

Para maos! Poenapa ngriki badé kepèntjoet datang pranatan poeni-ka? Mangké gèk sadaja ladjeng sinaoe basa mantja negari! O, sam-poen soemelang; boten-botenipoen badé salang toendjang rebatan roe-mijin. Oepami sèwoe wonten se-toegel kémawon, sampoen nama ka-tah. Lo, koela boten badé njepèlèk-aken, babar pisan boten, ananging ningali ingkang sampoen kelampa-han, nitik ada-ada sanès, gadah tékad ageng poenika nama *awis*.

Ngertos! oengeling sastra poenika boten angèl, ananging manawi kedah ngraosaken asining sarem oetawi pating bratawali, siapa maoe? irèn; akoe trima ana ing boentoet .... Lah råk kodjoer makaten poenika.

Para sadèrèk! Soemangga ngang-seg; sampoen ngétja-étja sampoen ngantos telompé; mriksanami ngiwa nengen; noelada actienipoen go-longan sanès. Poenika dadosa katja benggalaning tradjan kita, sebab kita oegi badé ngadjengaken bangsa.

Soemangga ngempal dados sa-toenggal, soepados sentosa; djaman madjeng; sinten ingkang boten poeroen?

ing goeroe. Ing saèstoenipoen saged-ipoen mangertos gegelidaning piwoe-lang, doenoengipoen ingkang angèl-angèl toemrap laré-laré, poenika namoeng sarana pangodi. Manawi goeroe poeroen métni tindaking piwoelang ingkang sampoen, njoe-merepi menggah wohipoen, tamtoe katah paédahipoen. Poeroen takèn-takèn datang tijang ingkang sampoen koelina njepeng laré, sampoen dan-goe anggenipoen moelang moeroek, poenika pangatos-atosingkangageng. Sakolahan ingkang goeroenipoen sre-grep-sregep, tamtoe moeridipoen ka-tah ingkang dados. Kasregepan poenika boten sanès inggih wedaring pangatos-atos. Begdja sanget moerid-moerid ingkang goeroenipoen ngaosi datang pangkat sarta badanipoen, awit tamtoe ngarah-arrah sampoen ngantos damel koetjeming badanipoen pijam-bak. Manawi ngaosi pangkatipoen poenika tegesipoen poeroen naliti poenapa ingkang sampoen kalampah-an sarta manah-manah poenapa ingkang badé dipoentindakaken. Sam-poen wadjibipoen goeroe poenika kedah kénging dipoenanggé paoe-geran. Goeroe, manoeet kértata ba-sanipoen: Kena digoege, kena di-tiroe. Ingkang poenika kedah njata ing sadajanipoen lan kedah djoe-djoer lampahipoen. Perloe sanget ngarah-arrah ing bab tetemboengan-ipoen sarta genah doedoek sèlèhing pamanahipoen. Boten preloe goe-roe poenika gela manahipoen, ma-nawi pangkatipoen boten dipoen-aosi, padamelanipoen kaanggep majar, kabekta saking djam sa-toenggal sampoen mantoek. Ingkang ngertos rekaos lan botenipoen goeroe, poenika namoeng ingkang sampoen nglampahi ngetjakaken pandamelanipoen goeroe. Dados manawi wonten tijang basa nge-moengaken padamelanipoen tijang sanès, oetawi njepèlèkaken amargi saking boten ngertosipoen, poenika boten preloe dipoenpredoeli, liripoen katampi lebet.

Koela wangsoeli malih oengel-oengelanipoen tijang Djawi: „Goe-roe ikoe koedoe kena digoege lan ditiroe.” Sampoen temtoe kémawon ngemipoen kedah njata, jèn nglah-iraken gagasan kedah tjeta, boten wola-wali, awit manawi méntja-méntjlé, nandakaken kirang ken-tjenging pikadjenganipoen. Lan ma-lihipoen, ing sarèhning dados pa-noetan, badé dipointeroe ing laré-laré, sampoen ngantos gadah tindak ingkang adamel koesoeding asmanipoen pijambak oetawi njoedakaken ageng-ipoen ngitjalaken aosing badanipoen.

Badé kasambet.



# O E R A P - S A R I

## KABAR OEMOEM. INDONESIA. \*)

### KATRANGANIPOEN PARÉNTAH BAB GLÉDAHAN P. N. I.

— Ngéngeti agenging preloe; ing ngandang poenika para maos koela atoei „katranganipoen Paréntah bab glédahan P. N. I.” Sanadjan pamretal koela (saking De Koerier, oegi saking verslag Balai Poestaka) koela atos-atos sanget, nanging barang pretalan poenika boten saged ngetrepi sanget. Panjowoen koela, pamaosipoen kémawon ingkang alon.”

**Salebetipoen parepatan Raad Kawoela kala tg. 10 Djanoewari, Wakil Préntah toemrap prakawis oemoem, toewan Kiewiet de Jonge, paring katrangan makaten:**  
Toewan Pangarsa!

Ing sakawit, Paréntah mila sampoen roemaoos kagoengan wadjab énggal paring katrangan dateng Raad Kawoela wonten ing tapoeiking parepatan dinten poenika, bab nalaranalar ingkang andjalari Paréntah andawoehaken ngglédahi grija-grijanipoen para pangandjoer P. N. I. Paréntah mangretos, boten namoeng Raad Kawoela kémawon ingkang anggadhahi wewenang ageng kanggé neda katrangan waoe. Nanging katranganipoen Paréntah preloe toer migoenani sanget kanggé ngitjalaken kalintoe panampi poenapadéné pamanah ingkang boten leres. Pangangkahipoen College poenika, sageda énggal pikantoe katrangan, kados ingkang kawrat ing motienipoen toewan-toewan Koesoema Oetaya lss., lan ingkang sampoen tinampi déning College van Gedelegeerden tanpa mawi kaendi kala tanggal 3 woelan poenika, saestoeipoen namoeng ngitjaken sedyang ingkang mila sampoen dados karisanipoen Paréntah.

Katrangan ingkang badé koela atoreraken poenika, namoeng ngéngeti nalar ingkang preloe kémawon. Langkoeng roemijin koela nerangan poenapa ingkang dados panggalihanipoen Paréntah déné ngantos kepeksa toemindak kados makaten waoe. Sasampoenipoen makaten, koela ladjeng badé nerangaken sakedik-sakedik bab angsal-angsalan ing (paniti priksa) kanggé sawetawis wekdal (voorloopige resultaten). Wasana koela badé soeka wawasan tjekak bab kawontenan samangké, langkoeng-langkoeng gagajoetan kalijan tangkepipoen Paréntah dateng ébah-ébahaning kawoela ingkang toemindak doemoegi sapriki lan wekdal ingkang badé kalampahan. Salebetipoen poenika wonten wangsoelan pitakén-pitakénipoen toewan Middendorp kalijan toewan Fruin, ingkang kénging kawangsoelan.

#### Sebab-sebabipoen.

Toewan Pangarsa, poenapa ingkang andjalari Préntah ndawoehaken nindakaken glédahan ageng poenika? Kanggé mangsoeli pitakénan poenika, langkoeng roemijin kaparenga koela ngéngetaken kados poenapa kémawon pèpènggetipoen Paréntah samangké wiwit taon 1926 dateng ébah-ébahaning extrémist; kados poenapa kémawon Préntah anggénipoen mongsal-mangsoeli pèpèngget sawatawis rambahan; lan wonten parepatan Raad Kawoela ingkang kapengker tjeta sanget minangka pèpèngget ingkang **wekasan**. Wonten termijn ingkang wiwitan koela sampoen tjarijos, lan wonten termijn ingkang kaping kalih koela sengadja mangsoeli temboengan kados makaten:

„Para manggalaning ébah-ébahaning „oetjoel saka Nederland” mesti inggih mangretos; propaganda ingkang katindakaken temenan (actief) sageda gagasan „oetjoel saka Nederland” énggal sanget kasembadan, poenika mesti badé noewoehaken babaja ageng reresh taowin brontakan; lan prakawis makaten waoe kaanggep **wohing** actie, inggih wohing actie ingkang kawengkoer wonten saged kalampahan [redelijk voorzienbare naderking]. [— „De voorstanders van de „Los van Nederland”-beweging, hebben zich er natuurlijk er rekenschap van gegeven, dat een actieve propaganda bepaaldelijk voor een zeer spoedige verwezenlijking van de Los-van-Nederland gedachte, ernstig gevaar voor beroering en excessen met zich brengt, welke als de redelijk voorzienbare naderking van hun optreden zouden moeten worden beschouwd.”] Paréntah kagoengan pangandjeng-adjeng, Toewan Pangarsa, bilih para panontoening bangsa toemrap laladan waoe nedahaken mangretosipoen dateng tatanggalanipoen; lan prakawis mangretos dateng tatanggalan poenika waoe dipoenakeni tjekap déning toewan Dwidjasewaja toewin Middendorp, inggih sanadyan gagandengan kalijan prakawis sanès.

Nanging manawi Paréntah ketjoewan pangandjeng-adjengipoen; manawi para pangandjoer waoe margi boten poeroen oetawi boten koewaos, boten mékani sampoen ngantos tradjanganipoen ladjeng asipat ngodjok-odjoki; poenapadéné manawi para pangandjoer waoe toemindak kanti ngédeng tanpa tédeng aling-aling angitjali gagasan badé brontak; ing ngrikoe boten kénging boten Paréntah badé ngetrapaken pangawasipoen, sarta nindakaken pranatan kénjeng toemrap panoentoening-panoentoen, lan

saged oegi inggih toemrap ébah-ébahaning poenika. (Handelingen katja 619 lan 744).

Sasampoenipoen wonten pèpèngget **wekasan** makaten poenika, t. Pangarsa, mangka tradjangan ingkang lepat waoe taksih kémawon kaladjeng-ladjengaken, poenika wontenipoen namoeng badé noemoesaken **tindak**.

Wiwit awaling woelan Agoestoos kapengker, kalanipoen koela medaraken temboengan ing nginggil, wonten panoentoening-panoentoen P. N. I. sawatawis ingkang saestoe ngadjak sakabatipoen sampoen ngantos ngambah margi roda peksa (geweld), poenapadéné soepados anggénipoen ngangkahi kasembadan ing sedyanipoen pakempalan samia nganggé srana ingkang mitoeot oendang-oendang. Nanging kadjawi poenika pangandjoer-pangandjoer sanèsipoen, lan inggih pangandjoer-pangandjoer waoe wonten ing wekdal sanès, oetawi ingkang namoeng kéndel kémawon, dalasan manawi kapireng swanten-swanten ingkang sanès sedyanipoen, wonten ing koersoes-koersoes oetawi pakempalan-pakempalan oemoem, anggénipoen njonjorahi tetijang ingkang sami wonten ngrikoe tétéla mawi temboeng ingkang sedyanipoen ngodjok-odjoki, inggih sanadyan dèrèng nama nglanggar oendang<sup>2</sup> pisan!

**Wonten ing temboengan waoe, Pangawasa ingkang sah ing tanah ngriki dipoenasoraken, poenggawa-poenggawaning Paréntah dipoensapélékaken. Kadjawi poenika boten kirang ingkang ngedalaken witjara ingkang dajanipoen dateng para mirengaken, kados-kados Paréntah ing ngriki toemoenten énggal sirna.**

Inggih makaten poenika anggénipoen anggoegah raos boten narimah poenapadéné pangadjeng - adjeng ingkang boten-boten, langkoeng-langkoeng wonten ing Priangan Tengah. Raos makaten waoe dangoening-dangoe noewoehaken raos bentèr, ingkang manawi toeros wewah badé andjebloeg kados kekijataning kodrat, inggih sanadyan tanpa pangaribawa-toerosan saking tetijang ingkang mesti.

#### Bebaja ndatengi.

Salebetipoen Paréntah manggalih srana-srana kanggé ambéngkas kawontenan ingkang damel prihatosipoen waoe, ing wekasaning woelan kapengker, Hoofdparket pikantoe pawartos saking poendi-poendi bab wontening babaja ndjebloegipoen (raos bentèr waoe). Pawartos makaten waoe kapireng ing salebetipoen sataoen moepoet, nanging soemebar lan satoenggal kalijan satoenggalipoen boten wonten gagandenganipoen. Kala taon kapengker boten tarimah namoeng sapisan anggénipoen tampi palapoeran badé wontening brontak ingkang tjalon kalampah ing taon 1930. Kabar-kabar makaten waoe, sampoen leresipoen kedah kajektèkaken leres lan botenipoen. Nanging salebetipoen woelan December pawartos brontakan waoe saja katah, sarta saja sami déné anedahaken wekdal ingkang sampoen mesti inggih poenika ngadjengaken oetawi wonten ing dinten taon-énggal 1930. Kala samanten kabar waoe sampoen dédé kabag kaboe, nanging kabar ingkang sampoen tjekap boektinipoen. Ing salebetipoen sawatawis minggoe Hoofdparket tampi pawartos makaten poenika saking Djawi Kilen kémawon boten kirang saking sèket pawartos; pawartos-pawartos waoe ingkang katah-katah boten gagandengan, nanging satoenggal-toenggalipoen anggadhahi sabab njekapi soepados katagatosaken. Kabar<sup>2</sup> waoe mèh sadaja toemoedjoe dateng P. N. I.

Saking poendi-poendi wonten pèpèngget badé timboeling reresh; lan nitik saking kawontenanipoen mesti saking tetijang ingkang njomerepi prakawis waoe; samanten oegi inggih tampi katrangan bab pangiming-iming ingkang nenarik manah dateng tjang ingkang mlebet ébah-ébahaning waoe, kadosta awodjoed: boten ambajar paos, gadah grija gedong, arta, lss. Manawi tétéla tjang boten poeroen mlebet, ladjeng kedadosan wonten tindak pameksa lan ngadjih-adjih. Margi ngalamat-ngalamat makaten waoe, ingkang roemijin inggih kalampah ngadjengaken wontening reresh taon 1926, lan ing sapoenikanipoen ing semoe dados pratanda badé timboeling reresh énggal, ladjeng noewoehaken swasana ingkang rinatos amoetawatosi, ngantos warga P. N. I. ing papan sawatawis, sami medal, boten predoeli inggih sana-

dyan dipoen-gondélana barang. Sampoen tétéla tetijang waoe sami ngadjeng-adjeng actienipoen pakempalan poenika, badé kataman kadadosan-kadadosan margi tindakipoen pakempalan waoe ingkang boten poeroen nanggal bot-répotipoen.

**Boten kénging kasrantosaken.**  
Nitik ingkang koela atoreraken poenika, Toewan Pangarsa, tjekakipoen saestoe tanpa pigoena, manawi Paréntah nglestantoeaken anggénipoen atindak njarantosaken. Manawi kalampah makaten, Paréntah tetep ngilrwakaken salah satoenggaling wadjibipoen ingkang bakoe, i. p. ananggel tata tentrem wilodjenging kawoela. Mila sampoen boten kénging dipoenoenkiri, langkoeng roemijin swasana ingkang bentèr waoe kedah dipoenasrepaken, inggih sanadyan boekti-boekti dèrèng soeka paseksèn njekapi leresipoen kabar-kabar waoe. Ing bab poenika, **boten kénging** dipoen-srantosaken ngantos pakabaran brontak waoe kalampah saestoe.

Kadjawi poenika, Justitie lan Politie toemoet tjawé-tjawé, poenika margi wonten panginten ingkang temenan, manawi sampoen wonten tindak lepat. Inggih poenika, boten namoeng nerak papatjak artikel 108 ing Wetboek van Strafrecht (bab sakoeton badé brontak), oegi nradjang artikel 169 ingkang ngawisi toemoet pakempalan ingkang badé nindakaken piawon (misdrif). Kados ingkang kaseboet ing oendang toemrap poelisi lan joestisi, manawi wonten panginten maton toemrap tindak ingkang kénging kapatrapan poekoeman, poelisi lan joestisi kawadjibaken nindakaken paniti priksa. Mila tindakipoen poelisi lan joestisi ingkang makaten waoe nama nindakaken kawadjiban ingkang kaseboet ing nginggil. Ing salebetipoen poenika, mesti kémawon inggih mengkoe pakarjaning poelisi anjengah piawon (preventieve politietak). Djer oekoeman dateng pakempalan ingkang badé ngawontenaken brontak, poenapadéné oekoeman dateng tjang toemoet pakempalan ingkang sedyanipoen nglampahi piawon, tétéla sanget mengkoe dedasar anjengah wontening piawon. Margi makaten waoe, tindakipoen Paréntah boten namoeng anetepi wet, oegi kados ingkang kaatoeraken waoe, **boten kénging boten, kedah amé-kani wontening kadadosan kados kala taon 1926.**

Paréntah pitados oegi, Toewan Pangarsa, bilih sadaja kémawon ingkang badé njéda lekasipoen Paréntah nindakaken glédahan nembé poenika, pantjenipoen kedah mangretos saestoe preloenipoen angjomé kawoela sampoen ngantos kataman babaja ingkang badé andatengi, kados ingkang katerangan waoe. Tetijang waoe mesti badé damang lan ngakeni, bilih tandoe njantosaken makaten, boten namoeng soelaja kalijan tetanggelanipoen Paréntah, oegi ladjeng dados asipat provocation, ngadjak-adjak (ngiming-iming; memantjing). Margi pikantoe pawartos-pawartos katah toer kénging pinitados poenika, Paréntah boten saged nindakaken pamilih kadjawi namoeng ladjeng nglampahi kawadjibanipoen.

#### Pandakwa-pandakwa.

Tebih sanget saking loehoering kawadjibanipoen Paréntah poenika waoe, Toewan Pangarsa, doenoeng-ing pandakwanipoen **Het Indische Volk** kados ingkang ginambar sarana pitakén-pitakénipoen toewan Middendorp ingkang wekasana. Inggih poenika pandakwa kados déné Paréntah wonten salebet lan sadjawaning kantor-kantor kénging pangaribawanipoen golongan tengen; lan kados-kados golongan tengen waoe sapoenikanipoen saged anggendeng Paréntah — inggih sanadyan mawi warana (samoedana, voorwerd) complot winados oetawi boten. Kadjawi pandakwa-pandakwa makaten waoe, wonten malih pandakwa amastani tindakipoen Paréntah toemrap P. N. I. waoe prakawis **politiek**. Pamanah makaten poenika, nitik andaran waoe, tétéla sanget boten resik babar pisan, pikantoeipoen dateng pabenan prakawis tindakipoen Paréntah namoeng badé amboeboet boten ngedalaken woh. Pranatan-pranatan toemrap pakempalan waoe **saestoenipoen preloe sanget** (objectief noodzakelijk) kanggé angjomé sadaja kawoela sampoen ngantos kataman tindak awon. Toewan Pangarsa, manawi tindak angglédahi waoe **saderèng sasampoenipoen** pantjen dipoenwenangaken, toemrap angsal-angsalan ing panindak, kanggé sawatawis mangsa, Paréntah kepeksa boten saged soeka pawartos. Djer tétéla salebetipoen wekdal sakedap sanget sabakdanipoen tanggal 29 December, inggih sanadyan dipoensrempeng - srempenga poenika, Paréntah boten saged milih poenapadéné niti priksa (sadaja) barang-barang ingkang karampas, kadjawi namoeng sapé-

## ONTJÈN SEKAR GAMBR MELATI.

### SEKOLAHAN MISSIE KALIJAN OPVOEDING.

Panitia Raad Kawoela ingkang tinanggenah matitisaken palapoeran Algemeene Rekenkamer sampoen ngladosaken palapoeran. Manoe katranganipoen panitia waoe, ing salebetipoen taon 1928, wontenipoen prakawis salingkoeh arta toewin barang-barang bakal (materieel), boten kirang saking 636 prakawis. Tjajah 636 poenika ingkang dèrèng saged katemtokaken sapinten kapitoenipoen wonten 144 prakawis. Déné ingkang sampoen saged kapas-tékaken, goenggoeng ing arta ingkang kasalingkoehaken wonten f 430.918,415. Dados jèn dipoentaesihaken saestoe, ing salebetipoen taon 1928 waoe, goenggoeng kapitoenipoen Nagari ingkang margi salingkoehan, mesti langkoeng saking satengah milijoen. Mangka kala taon 1927, kapitoenipoen Nagari ingkang margi makaten waoe namoeng f 275.348,15. Ngéngeti kawontenan makaten poenika, rembagipoen panitia, Nagari kaparenga ngentjengi toemindaking panti priksa. Ing pangangkah, mawi lampah makaten waoe poenika, sageda ngitjalaken tindak salingkoeh, boten mawi ndadak mewahi poenggawa.”

#### Para maos!

Kawontenan ing nginggil poenika, soeka paseksèn moersid: sadoening boeboeden langkoeng bregas tinimbang pangkat. Tétéla oegi bilih opvoeding langkoeng mikantoeiki, langkoeng perloe, tinimbang onderwijs. Sawenèh wonten ingkang anggadhahi pamanggih, wontening tindak salingkoeh poenika, kabekta saking kiranging blandja, awoning tatanan bajaranipoen para poenggawaning Nagari.

Nanging, lelampahan-lelampahan ingkang sami koela soemerepi, soeka koepija boten kirang tjang balan-djanipoen atoesan roepijah minggah, kelampahan njalingkoehaken arta. Dados tétéla, tetijang anggénipoen salingkoeh poenika saking anggénipoen boten saged ngandalèni moengkaring nafsoe. Tegesipoen kabatosanipoen tjang waoe boten santosa, boten saé.

Manawi wonten satrija Wétanan boten matoek kalijan pamanggih, anetepaken kabatosan langkoeng loehoer tinimbang kalahiran, poenika saestoe anggoemoenaken. (Nanging jèn kamanah pandjag kaeo-loer malih, ingkang makaten waoe inggih boten maibai! Djer saweg Rasool Dalem kémawon, inggih wonten ingkang tjidral!)

Pamedar sabda R. T. Wedyadinigrat wonten konggrès B.O. ingkang kapengker poenika, anerangan oegi bilih geestelijke cultuur makaten dados dedasaripoen bangsa Wétanan. „Kita sadaja kedah ngoedi tata tentrem adedasar Wétanan. Sarananipoen kedah ngitjali watak roemaoos kirang adji (minderwaardigheid), toewin kedah ngitjali watak angkara moerka ingkang moeroegaken boten wilodjeng, (zie Sedyata Tama no. 296, tn. '29).

Tjekak, toemrap para ingkang taksih koemawoela dateng Pangéran, boten badé njélaki bilih kabatosan langkoeng perloe tinimbang kalahiran, opvoeding langkoeng penting tinimbang onderwijs.

Ngéngeti agenging perloe toemrap tjanganipoen pijambak, toemrap brajat, gesang sasarengan, toewin pradjaja, poenapadéné toemrap Karaton Dalem, Pasamoewan Katholiek langkoeng mrelokaken sanget prakawis opvoeding. Mila wonten

sakolahan-sakolahan Katholiek prakawis poenika inggih dipoenpresodi saestoe; dipoentengenaken temenan.

Mitra koela goeroe Missie, moelang nembang moeridipoen klas I, makaten: „... „**Midjil**. — Akoe weroeh: boemi karo langit, lintang-lintang abjor, pating krelip goemebjar tjahjané; soerja, boelan, kéwan, toewin djanmi. Ikoe kabèh kaki, **titah** aranipoen.

— Sing nitahké djedjoeloek **Hjang Widdi, Maha-kwasa** jektos, ing sadjagad tan ana padané, angratoni kabèh titah iki: sing gedé sing tjilik, koeli lawan ratoe. enz. enz.

Nalika koela pitakèni, poenapa perloenipoen moerid klas I dipoenwoeroek makaten, wangsoelanipoen: „Pangarahkoe, bisaa soerasa maoe tjomitak temenan ana pangangenangené botjahkoe, nganti tekan bésoek toewané. Ija bener saiki doeroeng sapiraa dajané. Nanging jèn wiwit klas I botjah apal temboengan maoe, bésoek diwasané bakal gedé banget paédahé. Slirané rak ja ngerti ta ngélmoe communisme sagolongané? Woos kaseksèn ing para sardjana, ngélmoe iki maoe, agawé baroebahing pradjaja, ngroesak tata tentrem, ngemohi Allah. Moelané sabisa-bisa koedoe disirnakaké. Sawenèhing srana sing dak enggo: **pangoela-wentah ing sadjroning sakolahan**. Déné woedjoedé kaja oepamané tembang koewi maoe .... enz. enz.

Sakolahan Missie pantjen sanget nengenaken opvoeding. Margi makaten waoe, tetijang Islam ing Tunis ngantos langkoeng seneng dateng sakolahan Missie tinimbang sakolahan openbaar. Serat kabar *Journal des Débats* sampoen naté ngewrat seratanipoen correspondent ing Tunis, (ingkang ladjeng kapetik wonten *De Koerier* 14 Oct. 1927,) soerapsoepoen makaten: „..... Tetijang Priboemi ingkang golongan saged, sami anggroendeli sakolahan-sakolahan openbaar jasanipoen Parangakik. Saking pamanggihipoen, sakolahan<sup>2</sup> waoe sami ngitjalaken „mangertos ing wadjab” poenapadéné njirnakaken pangadji-adji dateng pangowasa wonten salebeting grija lan pradjaja. Pangageng-pangageng (Islam) sami njowoen dateng Maha Biskop ing Carthago, kaparenga ambikak malih sakolahan-sakolahanipoen Witte Paters. Awit wonten sakolahanipoen Witte Paters waoe, anak-anakipoen tampi panggoela-wentah Parangakik ingkang kalarasaken kalijan kabodajanipoen pijambak. — Golongan Islam sami mangertos ing salebetipoen Islam kalijan Kath. wonten dedasar dedasar ingkang sami: bab laksitadarma poenapadéné Agami. Nanging sami boten moedeng dateng „vrijdenkerij” déné boten ngandel wontening Allah poenapadéné soekma ingkang lepat ing pedjah. Tetijang Islam waoe anggénipoen damel waton tjekak aos: „Sing sapa ora netepi koewadjabané marang Allah, ora baka bisa wèwèh apa-apa marang tanggané.”

Sanadyan golongan Katholiek mrelokaken sanget opvoeding, éwadéné tanpa witjalan katahipoen tjang Katholiek ingkang sineboet sardjana, professor, doctor, sasaminipoen! Poenika nerangaken, loehoering batos saged andjoendjoeng lahir, tegesipoen: opvoeding boten ngéteraken onderwijs.

Sinten ingkang waspada, mesti saged ndoengkap sedyaning katrangan poenika!

Kumuningsaselé 12-1-'30.

Taklim: PATJAR MÉRAH.

#### CORRESPONDENTIE.

Kartika madjeng tiga. Sinten pandjengangan? Karangan sanès boten saged kapatjak minggoe poenika; dipoensrantosaken sakedap.

College poenika, kados ingkang sampoen-sampoen.

#### Pangadji-adji.

Minangka panoetoep, Toewan Pangarsa, koela ngatoeraken rembag sakedik kanggé anerangaken kawontenan ing sapoenika. Langkoeng roemijin koela njowoen kaparenga sami migatosaken tandangipoen Bestuur lan Poelisi langkoeng-langkoeng golongan Recherchedienst, ingkang andjalari kawoela saged kalepataken kalajan mesti saking bebaja ingkang boten kakinten-kinten. Poenapadéné, Paréntah ingkang toemindak mawi tjitjawi ing saderèngipoen kalajan saé, sarta kalampahan kadoemoegén ingkang kinarasaken, toer tanpa pikantoe pakéwed saha boten soesah anindakaken kekerasan. Paréntah ma-

\*) Margi „Katranganing Paréntah” poenika, koela manah preloe, kabar sanès-sanèsipoen kepeksa koela sisihaken roemijin. Red.



**M. v. BIENE.**

Toekang herlodji  
dan Toekang emas.

Adres jang  
moerah

**DJOKJA BANDOENG**  
Telf. 252 Telf. 226

boeat LONTJENG, HER-  
LODJI dan PERKAKAS  
EMAS.

Pembatja  
**SWARA TAMA,**

dengan bawa lembaran  
Swara Tama  
dapat POTONGAN.

PAKOLÈH TOER LOEWESAN  
SAË TOEWIN AWÈT  
INGGIH NAMOENG

**MERK GAZELLE**

INGKANG AWOEDJOED

ALCYON  
DUNLOP } RIJWIELEN  
R. I. W.

**Nitjil kènging! — Kentjèng soekoer!**

**GAZELLE HUIS — ROEMAH GIDANG**  
MALIOBORO — DJOKJA — TELF. 508.

## KALAU BELI OBAT - OBAT

**DJOKJA**

mémang tiada maoe pakai per-  
tjoema, melainkan boeat djaga  
keséhatan. Tetapi kalau tiada te-  
rima obat jang selamanja baroe  
dan paling baik, lebih pintar  
**Djangan beli sama sekali.**

**DJOKJA**

Obat-obat keloearan roemah<sup>2</sup> obat

**MALIOBORO**

**„RATHKAMP”**

**MALIOBORO**

soedah terkenal berapa banjak  
poeloehan tahoen dan bisa dapat  
beli dimana-mana tempat. Kalau  
dapat beli tjap

**DJOKJA**

**„RATHKAMP”**

**DJOKJA**

tanggoeng beli jang paling baik.  
Djaga tjap „RATHKAMP”  
dan „ERCEE”

DJANGAN TERIMA BARANG JANG BARANGKALI KOERANG BAIK.

## SAWEG MENTAS KABABAR.

Boekoe: PANGANGEN - ANGEN KANG-  
GÉ SABEN DINTEN.

Soegeng saha piwoelang Dalem Kang-  
djeng Goesti Jésoes Kristoes.

Djilidan I ..... 500 katja

namoeng regi f 1,25 fr. i. p. f 1,45.

Kénging toembas dateng:

- Pastoeran Kotabaroe Ngajogjakarta.
- Kantor Swara - Tama.
- Drukkerij Canisius.

## Toko DJOEN & Co., Djocja.

PATJINAN MOEKA TOKO FUJI — TELF: No. 374.

Adres jang paling moerah dan paling baik  
boewat pembikinannya.

ROTIE - ROTIE, KOEWEE - KOEWEE dan  
BESCHUIT - BESCHUIT KERING.

SROETOE - SROETOE dan ROKOK-  
ROKOK, jang haloes dan kasar.

Djoega slamanja djangan loepa minoem kita  
poenja KOFFIE BOEBOOK, jang speciaal die  
giling dengan machine Electrics, bisa giling aloes  
dan kasar, menoeroet pembelie poenja perminta'an  
die tanggoeng sampee menjenengken, harga per  
pond f 0.90.

Bolih dateng saksiken!

Memoedjiken dengan hormat  
Toko DJOEN & Co.

## TOKO BARANG - BARANG H. SPIEGEL — Djokja.

ADRES JANG PALING BAIK, boeat:

Eetserviezen — Theeserviezen: f 5,75.  
Perkakas dari gelas, dan perkakas dapoer;  
Kereta dan korsi boeat anak - anak;  
Tempat tidoer, lampoe gasoline, dan  
— permainan boeat anak - anak ketjil. —

**Semoea barang paling djempol, dan  
moerah sekali!**

## TJET GILAP wedalan FRIELING model A.

kanggé ndjawi lan nglebet, namoeng kantoen ngagem.

kawadahan ing blèg, netto 10 5 2 1/2 1 1/2 kilo;

sablèg regi 10,50 5,50 3,- 1,30 0,75;

## TJET GILAP model B.

kanggé ndjawi lan nglebet

namoeng kantoen ngagem; sablèg netto 10 kilo: f 8,50;  
5 kilo: f 4,50.

**PABRIK TJET R. B. FRIELING,**  
Gondhomanan 8 — DJOKJA — Telefoon no. 784.

Sanget matoer noewoen  
doemateng Rama C. Lu-  
cas, zusters, verpleegsters,  
pangrèh pangroekti laja  
toewin para sadèrèk ka-  
koeng poetri ingkang sam-  
poen angopakara lajon-  
ipoen J. B. Doelmadjid  
Prawiraatmadja ngantos  
doemoginipoen ing koe-  
boer.

Moentilan, 29-12-'29.

M. DASMA.

safamilie.

DEN 16 DEN DEC. '29 IS ONS GEBOREN

HET 2e. KIND GENAAMD:

R. EMMANUEL RINAL (HARI-NATAL) WIDYA-SOEJANA

**J. B. WIDYA-SOEJANA**

MOENTILAN.

(ZALIG - NIEUWJAAR.)

ngertos terang sapinten awrating  
pakarjanipoen Bestuur, Politie, lan  
Recherche doemoginipoen Pang-  
geng ingkang inggil pijambak  
pisan, margi kabekta saking san-  
tering actienipoen P.N.I. ing poendi-  
poendi, langkoeng - langkoeng ing  
wekdal ingkang kantoen - kantoen  
poenika. Margi makaten waoe, saking  
kaparenging karsanipoen Paréntah  
koela kadawoehan mahjakaken geng-  
ing pangadji-adjinipoen dateng pa-  
karjanipoen Bestuur, Politie lan  
Recherche waoe. Djer margi wonten-  
ing tindak makaten, para kawoela  
sami ladjeng kraos djendjem.

Ewadéné Paréntah inggih boten  
merem menggahing prakawis<sup>2</sup> ing-  
kang toemindak salebetipoen nin-  
dakaken pakarjan waoe, ingkang  
boten dados karsanipoen Nagari.  
Langkoeng roemijing, Paréntah an-  
getoeni sanget, déné ing papan-pa-  
pan sawatawis, Boepatinipoen boten  
pikantoe bagéjan sapantesipoen ing  
salebeting tjatjawi, poenapadéné  
oeroesan anindakaken pranatan ing-  
kang kedah katindakaken kalawan  
toemoenten. Langkoeng malih déné  
panindak prakawis poenika kedah  
djember sanget tebanipoen - déning  
ngéngeti papriksan poenika boten  
kénging lan boten saged namoeng  
katindakaken wonten koekoeban alit  
kémawon. Malah wadjab kadjembar-  
aken sanget, margi sagedipoen anje-  
kapi manawi sadaja pangadjeng-  
adjeng pikantoea boekti, saged  
kaleksanan Toewan Pangarsa, Djem-  
baring teba lan sakedaping wekdal,  
poenika bokmanawi ingkang andjalari  
ing dalem kadadosan pinten-pinten,  
salebetipoen nindakaken wadjab,  
wonten tindak langkah saking wa-  
tes-wates ingkang sampoen tinam-  
tokaken Pokroel Djéndral. Ing In-  
structie poenika, Toewan Pangarsa,  
katamtokaken glédahan waoe na-

moeng toemrap grija-grija lan kan-  
tor-kantoripoen para panoentoen P.  
N.I., semanten oegi toemrap leide-  
ipoen pijambak; sarta malih pang-  
gengan-panggénan ingkang kininten  
kanggé andelikaken serat-serat wi-  
nados wonten salebeting gedong oe-  
tawi sapéranganing gedong ingkang  
dipoenanggé pakempalan waoe. Ing  
instructie, **satamboeng kémawon**  
**boten wonten dawoeh ingkang**  
asoeraos angelar tebaning glédahan  
lan tangkepan ngantos doemogi  
tjijang-tjijang ingkang dédé warga-  
nipoen P.N.I., oetawi grija-grija  
ingkang boten dipoenenggèni oetawi  
boten kanggénan P.N.I.

Manoet pawartos-pawartos serat  
kabur ing wiwitaning woelan poeni-  
ka, oegi wonten tetijang dédé warga  
P.N.I., poenapadéné barang dar-  
bèkipoen pakempalan sanès, ingkang  
toemot kataman glédahan. Kabar-  
kabar poenika, ingkang kininten-  
ipoen andjalari motienipoen toewan  
Oetaya njeboetaken tradjangaken  
Paréntah toemrap pakempalan-pa-  
kempalan kabangsan **pinten-pinten**.

Tradjang ingkang makaten poe-  
nika, babar pisan boten kaseboet  
wonten dawoehing Paréntah. Tim-  
bangan-timbangan Justitie ingkang  
awawaton dawoeh waoe, sampoen  
njekapi kanggé ngitjalaken pangin-  
ten bilih dawoehipoen Paréntah  
ngéngingi oegi pakempalan-pakem-  
palan Priboemi ingkang boten noe-  
woehaken panjana kadosdéné P.N.I.  
Margi makaten waoe Paréntah ne-  
rangaken kalajan saèstoe, babar  
pisan boten dados karsanipoen badé  
toemindak ngéngingi pakempalan-  
pakempalan kadosdéné B.O., Mo-  
hamad Dijah, Taman Siswa, Soera-  
bajasche Studieclub oetawi tetijang  
ingkang dédé warga P.N.I.; sarta  
pangadjeng-adjengipoen inggih sam-  
poen ngantos toemindak makaten.

Oemoemipoen prakawis ingkang  
makaten poenika boten kalampahan,  
Toewan Pangarsa! Ingkang leres  
poenika, oepami ing sawenèh pang-  
gengan wonten grija ingkang dipoen-  
anggé pakempalan-pakempalan ka-  
dos kaseboet nginggil, dipoendatengi  
poelisi! Nanging bilih taksih wonten  
salebeting wates instructie—toemin-  
dakipoen namoeng manawi gedong  
waoe toemot dipoenanggé P.N.I.,  
sapéranganipoen kaanggénan warga  
P.N.I., oetawi lalajanan kalijan pa-  
kempalan waoe mawi tjara sanès.

### Studieclub Soerabaja.

Minangka tjonto, Toewan Pangar-  
sa! Toemrap Studieclub Soerabaja,  
manoet katrangan saking golongan  
Club waoe pijambak, poelisi pantjèn  
inggih mlebet wonten gedongipoen  
Studieclub. Margi poenapa? Margi  
ing ngrikoe doengoenging administra-  
teur Studieclub, satoenggiling warga  
P.N.I. misoewoer! Nanging sareng  
administrateur poenika waoe nedah-  
aken lemantoen<sup>2</sup> poendi ingkang ga-  
dahanipoen P.N.I., poendi ingkang  
gadahanipoen Studieclub, archief-  
ipoen Studieclub **boten** dipoenbijak  
poelisi. Makaten oegi serat<sup>2</sup>ipoen  
Club waoe srana margi sanès boten  
dipoenbeslah, kadjawi serat<sup>2</sup> ingkang  
pinanggih wonten bundel Soeloeh  
Ra'jat Indonesia. Nanging serat-  
serat poenika inggih ladjeng ka-  
wangsoelaken toemoenten.

Tindak makaten poenika, ma-  
noet panggalihanipoen Paréntah  
perloe lan pantes katindakaken. Ma-  
nawi ing panggénan sanès margi  
wijaring teba lan rikating panindak  
wonten nalar-nalar dédé P. N. I.  
(katoet) katandangan poelisi, kapa-  
renga koela ngembali ngoetjap-  
aken pangandikanipoen Paréntah  
kados ingkang sampoen koela atoer-  
aken waoe, i.p. manawi wonten kala  
mangsa kaperloean oemoem kedah

dipoenajomi mawi pranatan keras,  
saged oegi tjijang ingkang boten  
lepat toemot nandang sangsara sasa-  
rengan kalijan tjijang ingkang lepat.  
Kedjawi makaten, oegi sampoen ka-  
nggetaken prakawis poenika dédé  
lepatipoen Paréntah, nanging lepat-  
ipoen sawenèh panoentoen-panoen-  
toening bangsa ingkang margi kirang  
mrangretos dateng agenging tetang-  
gelanipoen, andjalari awoning mitra  
lan kantja-kantjanipoen.

Badéja kados-poendi kémawon,  
Paréntah anggetoeni sanget, toe-  
woehing panginten mastani manawi  
Paréntah andawoehaken nindakaken  
paniti priksa dateng pakempalan<sup>2</sup>  
oetawi tetijang ingkang dédé P.N.I.

Dawoeh makaten poenika, Toe-  
wan Pangarsa, **boten saged** toe-  
woeh saking Paréntah ingkang sam-  
poen kirang langkoeng tiga satengah  
taoen ngagem tradjang (Regeerings-  
beleid) kados samangké poenika.  
Sinten kémawon ingkang sasam-  
poenipoen mireng katrangan poenika,  
mangka taksih mestani prakawis  
waoe mila dawoeh saking Paréntah,  
mesti inggih nginten tradjangipoen  
Paréntah oedjoeg-oedjoeg sampoen  
malih babar pisan. Poenapa wonten  
wawaton<sup>2</sup> sanès ingkang amboek-  
tékaken leresing panginten makaten  
poenika, kadjawi pamanahan kasasa  
lan kirang pitados?

### Tangkepipoen boten éwah.

Tangkepipoen Paréntah dateng  
ébah - ébahan kabangsan — (koela  
kakoewasakaken nerangaken kanti  
saèstoe —) **tetep lestantoen boten**  
**éwah.** Inggih tangkep poenika ing-  
kang andjalari Paréntah ngedalaken  
dawoeh waoe. Paréntah tansah am-  
bédakaken golongan evolutie kalijan  
golongan kaoem brontak; tansah  
anjilahaken tindak ingkang migoe-  
nani toemrap gesang sasarengan  
kalijan pakarjan ingkang ambabajani

lan ngrisakaken.

Paréntah tansah ngéngetaken soe-  
pados raos revolutionair sampoen  
ngantos langkah garis. Tansah ne-  
ngenaken kados déné nglampahi wa-  
djib loehoer, badé paring pang-  
joman dateng sadaja bibit ingkang  
ndjalari karta rahardjaning bangsa  
ngriki, sampoen ngantos risak dé-  
ning bentjana lan roebéda.

Paréntah ing wekdal poenika  
angambali malih kalajan tjeta wates-  
wates ingkang njilahaken pakarjan  
social ingkang migoenani kalijan  
ingkang ngrisakaken, pakarjan kalal  
kalijan ingkang kedah dipoenlawan  
lan dipoensirnakaken.

Prakawis ingkang kawahjakaken  
poenika kabekta saking dasasar-  
dasar ingkang dèrèng naté di-  
poentilar Paréntah; déné wates  
poenapa déné anggénipoen anjilah-  
aken ingkang tansah dipoenogemi  
waoe, anjababaken oegi tjabang-  
tjabang P.N.I.—ingkang boten ké-  
nging dipoenokiri pangaosipoen  
toemrap andadosi pasrawoengan  
Priboemi,—boten badé kasirnakaken;  
kadjawi ta manawi papriksan<sup>2</sup> lan  
kawontenanipoen mangké anjabab-  
aken kedah toemindak sanès!

Katrangan ingkang wekasan poe-  
nika anélakaken oegi bilih Paréntah  
mangsoeli „boten” dateng pitakèn-  
pitakènipoen toewan Fruin.

Doemogi telasing katranganipoen  
Paréntah poenika, Toewan Pangarsa,  
kaparenga koela ngatoeraken ring-  
kesan winengkoewonten salebeting  
pangadjeng-adjeng bilih tindakipoen  
Paréntah ingkang koela gelar won-  
ten ngriki, tétéla pantjèn sampoen  
kedah lan wadjab. Tindakipoen  
waoe boten toewoeh saking „po-  
litieke reactie” oetawi sawenang-  
wenang; poenika pakarjaning Justitie,  
tindaking pangajoman dateng ka-  
woela, adil, lan wewenang.